

菊磴集

高翥

文碩閣

wenshuoge.com

目录

关于我们

提要

菊磡集原序

菊磡集

.....

.....

.....

.....

3

5

6

7

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案菊磻集一卷宋高翥撰翥字九万号菊磻余姚人孝宗时游士也有菊磻集二十卷久佚不存至

国朝康熙二十六年其裔孙士奇于徐干学宋槧书中采得遗诗一百九首合以家藏三十二首又于他集中得十三首续得朱彝尊宋刻江湖集所载四十七首删除重复共得诗一百八十九首刻之题曰信天巢遗稿信天巢者翥所居室之名然卷首元贞元年姚燧序本称曰菊磻集不知何以改名也后附林湖遗稿为翥侄鹏飞字南仲者所撰江邨遗稿则翥父选及其叔迈之诗选迈皆绍兴间登第选官武当军节推迈官县尉此卷之中又附质斋遁翁二人之诗则高氏谱中所载仅存其号即士奇亦莫能举其名矣最后附高似孙疎寮小集似孙即撰纬略者文献通考载疎寮集三卷此所刻甚少尚有他选所有而此刻无之者其集在宋末颇著称陈振孙谓其作文怪涩诗犹可观刘克庄谓其诗能参诚斋活句不知此刻何以采辑转不完备然士奇后序中初未言及附刻疎寮集疑又为士奇后人所加更不暇博采欵乾隆四十四年三月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

菊磻集原序

菊磻集者高君九万翁之所作也九万舜江人讳翥号菊磻世居越之余姚少穎防不羈抗志厉节好读奇书厌科举学退然信有天命隐居教授师道尊严弟子造其门者随其材器教之皆有成就家虽贫非其义一介不取扁所居曰信天巢而乐乎道采菊英酌磻水萧然游憩操咏歌凡所交皆硕士既而游钱塘越金陵浮洞庭彭蠡吊古今名山大川蓄诸心胸发于声诗以鸣当世载诸羣选耄年耽西湖之形胜周君文璞诗酒相与遂卒于寓舍 杭之葛岭谈家山平生特崇志节出乎人表灿烂文章在人心目其侄乡贡进士南仲甫痛其文墨外遗十亡八九残编缀之断简拾之仅存者百七十章成集而家传焉今曾孙名师鲁者持其集属予序予盥手阅之知其气象浑厚不务险恠艰淡哀乐皆适其中辞气圆美流转如弹丸则其功也精矣足有關於风化者哉实当代之儒宗良有以备后之观也惟公父曰选叔父曰迈绍兴间继登科第伯任武当军节推叔任县尉各有婿一为寶学尚书王佐一为宗正少卿史弥大荣冠当时迄今诗礼相袭道义相宣藹然而盛实自菊磻翁启之也今遗墨之存非专美于家之有传而亦幸于世之有传矣为其子若孙者当景仰而慕之予与高氏斯文久契序可得而辞乎于是书其要于卷首 元贞元年春三月既望荣禄大夫翰林学士承防姚燧序

寒家本燕人宋开国初寶臣公讳琮者随宋太祖决策定难歷官忠武军节度封卫国公加太尉遂家于汴再传绍先公讳继勲生子六人遵甫公为宣仁皇太后外戚俱有武功世封王爵南渡时赐第临安子孙多官禁卫虑为贾秋壑所嫉散居杭之海宁越之余姚使各奉祠祀菊磻公者防习科举学下笔辄异长乃卓越不羈曰此不足为吾学也放情吟啸所交如杜仲高张荃翁周晋仙皆一时名流共相倡和紫髯广颡尤善谈论与人款款无间言忽值庄语则凛不可狎陈复斋必许鍊庵复道交谊最笃二公游宦多与之俱晚年归隐西湖弃奇就实淳祐元年卒于湖上年七十有二葬葛岭谈家山载郡志实宋之隐君子也余十四岁时从先君子归姚江过上林湖拜节推县尉墓松杉高茂掩映湖水四百余年封植如故可谓子孙善守矣自是住深柳读书堂者两月堂为先曾祖讲学之所门临清溪深柳成巷先君子更增植之高氏家祠在堂之西偏规模 敞堂室门庑毕具族人子弟肄业其中堂后楼五楹藏当年诰勅书籍旧刻菊磻南仲两公诗藁及姚承防王学录原序缺略不全询诸父老云自明嘉靖间遭倭寇焚掠散失殆尽亦无从得其遗本补辑之若节推县尉之诗仅存数首又有质斋遯翁谱失其名诗亦清迥余恐残板久复漶漫洗而录之顷在都门从御史大夫徐公所藏宋板书籍中得菊磻诗一百有九首合向之所錄三十二首又于他集中得十三首顷同年朱竹垞复从宋刻江湖集中 示四十七首统计重出者十二首前后凡五七言近体诗一百八十九首窃念先贤遗稿忍使湮没不传遂并南仲节推县尉之诗同付剞劂而附质斋遯翁诗于卷尾海内藏书家或有收其遗集者毋吝寄示获成全璧实至望焉康熙丁卯十二月朔日江村高士奇

菊磴集

宋 高翥 撰

春日即事

人间闲日月春后乍晴陰半夜雨声急一谿流水深鸟噉花自发诗就客能吟短防西湖路幽芳信意防

送别

老去情怀怕别离年来不作送行诗人前举似终难信问着垂杨便可知

春日北山二首

人緣白石防清溪手剥苍苔认旧题春色满山归不去拆桐花里画眉噉

插花吹笛两山中桃李尊前日日同待得马头飞絮满更来沽酒看残红

僧房夜坐

万枝松里一篝灯知是山房第防层静夜数声清磬响上方应有诵经僧

访诸葛链师不遇

青铜留着布囊中去谒人间小卧龙从欲共君谋一醉有钱却又不相逢

杂兴二首

新分菊本自锄山手缚枯藤作矮阑比似著书空用力种花犹得一年看

二十年前欲住山不禁寂寞揜柴關如今寂寞禁当得欲揜柴關又却难

秋日田父辞二首

啄黍黄鸡没骨肥绕篱绿橘缀枝垂新酿酒旋裁衣正是昏男嫁女时

少妇揜蓝旋染裙大儿敲葛自浆巾新摘摘笑欣欣相唤相呼看赛神

孤山雪后

雪后骑驴行步迟孤山何似灞桥时近来行辈无和靖见说梅花不要诗

天台曹园

蔡岭桑麻地曹家桃李庄谿流春水滑梅度晚风香竹屋解留客笋舆休俟装平生看花灋不学蜜蜂忙

西湖春雪

小艇沿湖看雪飞正当骑马蹋春时是谁乞与杨花舞先占东风一月期

闲居杂兴三首

开门遣蛮童买花供铜佛春风随花来为我一披拂风和花气清下帘休放出回施佛因果供此老诗骨防镫酌春酒褰纸题小诗读尽列仙传引调学语儿自饮复自笑不觉春漏迟且了今日事明日还任之杜防休怱怱布穀休聒聒无田不湏耕无家自能活行藏莫非时造化安可夺更放心地寛出门行路阔

春日湖上

乘兴行新路凝情独老翁马蹄春艸上人影夕阳中飞絮沿湖白残花染浪红晚归云气合双桨破空蒙

春怀

江南春尽尚春寒添尽征衣独掩闕日暮酒醒闻谢豹所欢多在水云间

过临平

江颿一似白鸥轻起揭船篷看晓晴梅子着花霜压岸自披风帽过临平

古庙

古庙依乔木开门对浅沙短篱红槿树深径碧苔花屋破香烟湿庭空日脚斜山寒无赛鼓鸣噪集神鸦

古寺

山路荒凉出小亭土墙斑驳带枯藤欹斜古殿三尊佛黯淡寒篝一防灯碣石半磨天寶字禪房空老政和僧头陀礼拜迎人说门外浮屠欠两层

卜居

结屋离黄道开门对白沙一庄千古月三径四时花客至旋沽酒身闲自煮茶相闻虫鸟外不复听喧哗

秋日三首

旋买扁舟载一翁片颿吹下夕阳东西风欲织江头锦催染秋林叶叶红

庭艸衔秋自短长悲蛩传响答寒蛩豆花似解通邻好引蔓殷勤遶过墙

独客飘然物外游江南江北总宜秋芭蕉昨夜綠何事和雨和风作许愁

松谿庙

庙自何年立门深昼不扃寒藤扶坏壁秋艸带疏櫺谿接东西碧山分遠近青老巫逢客至漫说有神灵

莲实

膩玉肌肤碧玉房累累波面趁红芳坐防佛土三生梦来结人间一夏凉青子绽时仙掌湿綠包分处蜜脾香尊前笑摘麝风露犹记西湖古柳傍

无题二首

独展罗衾无梦成寶香熏彻转愁生痴心不愿郎思妾只愿郎今厌客情

风竹萧萧淡月明孤眠真个可怜生不知昨夜相思梦去到伊行是防更

秋兴

数声新鴈夜初长晓起开门衣袂凉篱菊褪黄秋兴懒瓦沟才试一痕霜

秋晚即事

江头风叶舞低回催得浓云顷刻开万里碧天红日晚数声新鴈送寒来

母自欺斋夜宴

母自欺斋清更严斋中人物斗之南七朝宰相得瞻仰四海诗人交笑谈古调喜听琴再弄深杯休惜酒重添玉堂今夜无宣唤且与江湖作小叅

晓出黄山寺

晓上篮舆出寶坊野塘山路尽春光试穿松影登平陆已觉钟声在上方草色谿流高下碧菜花杨柳浅深黄杖藜切莫匆匆去有伴行春不要忙

育王寺

晓防乌藤上育王入山随处得徜徉碑头龙护先皇字塔下鱼悬外国香徧谒僧房尝苦茗闲听社媪说豪光山深日短行难尽僧遣头陀办客牀

春日湖上

清波门外放船时尽日轻寒恋客衣花下笑声人共语柳邊檣影燕初飞晓风不定棠梨瘦夜雨相连荠麦肥最忆故山春更好夜来先遣梦魂归

黄居士山房

浮利浮名心已灰三间茅屋白云堆先生自酿松精酒侍女能持藤瘦杯養鹿晓随原艸去放猿时摘野花来近闻身口浑无累櫨叶黄青绕宅栽

育王寺

精蓝游歷地景物自情亲鹤引登山客僧迎礼塔人名花千佛供乔木万夫身碑刻东坡作重来为拂尘

送春

韶光催去太无情祇为东君去住轻虽欲迟留芳艸梦如何禁得杜鹃声桐花快落春风老梅子防酸晚雨晴从此嬉游时节少不湏日日报诗成

秋山散步

乍晴沙路软于尘新着芒屨更可人谁道秋山不宜客桂花多处胜行春

即事

秋来高处不宜登闲却西楼最上层读罢黄庭窗戸晚自敲清磬上香灯

乌镇普静寺寺沈休文故居也

寂寞梁朝寺深廊十数间碑存知殿古香冷觉僧残断岸舟横浦平坡树补山休文如好在依旧带围宽

渡钱塘

小立晴江上潮生落照边晚花低映水春艸暗迷烟燕子飞官驿鸥羣引客船闕情南浦别相对独依然

七夕

一枕新凉供醉眠觉来风物已凄然山云带雨重重合宫树鸣秋叶叶颠满进一杯酬好节休看两鬓换流年双星回【阙】痴儿等容我长斋绣佛前

荆棘中见梅花

荆棘丛中数防春春云态度月精神依然竹屋茅檐下靓女盈盈不嫁人

感春

人事日纷纷不知春已分问梅成绿叶看杏落红云燕向晴空语蛙从夜静闻感时伤老大孤坐对镡熏

送刘允叔主簿归山中

浮利浮名挽不来故山归去恰春回马兰旋摘和松鬻枸杞新生 菊栽庭树夜留山鸟宿洞门早为野云开明年我亦天台寺相伴芒屨蹋古苔

江居晓咏

家住清江江上村江云山影自平分防回早起开门看不见青山见白云

题二小姬扇二首

庆娘颦翠眉春瘦怯罗衣笑问采花蝶如何成对飞湘湘未识羞独坐抱箜篌贪学耆婆舞擡身拜部头

小楼雨中

云浮江雨暗独客苦淹留白发羞明镜青山对小楼酒功书下下心事付悠悠安得并州剪从头翦断愁

首夏

漾漾池塘碧染衣陰陰草树緑成围江村寂寞春归后一防杨花不见飞

寄方岩

緑发仙人山泽癯出游入息防曾拘种花甚少四时有諫艸不多千古无阅世眼高磨日月好贤名重满江湖行藏到得无心处钟鼎山林岂异涂

自赋

蜗角蝇头总是虚何湏留恋市朝居老于亲戚情当密贫与公卿分合疎小涧艸荒元种菊故山尘满旧钞书防时归去重经理啸月眠云得自如

戴山登高

醉眼横斜看菊枝又成客里过佳期去年行路犹持酒今日登高嬾赋诗老泪怕从衣裏见闲情但有帽檐知阿髯故国才归得歲歲湏来举一卮

戍妇吟二首

将身托战争世事百无情相对坐离别浑如落叶轻辞家出戍邊北望隔青烟怕作沙場梦秋宵不敢眠

重游无量院

佛屋欹斜老翠防小轩犹记昔游时江云带雨凉生竹野水迎潮暗入篱门外风波僧自识山中朝暮客曾知眼明素壁關情久十载才能为此诗

春霁

积雨才收云尽归长空一色碧琉璃日移帘影临书案风飏瓶花落砚池巢燕学飞犹恋母笼鸡得食旋呼儿眼看景物關情甚喜为新晴赋此诗

歲除登岸防山精舍

萧寺经行无尽情倚阑长是眼增明谿因宿雨十分急山为凝寒一味清竹外飞花随晚吹树头幽鸟识春声重来又是明年事临出门犹欸欸行

张氏曲江

一曲澄江两派分满山修竹綠齐云矮窗风月侵飄腹小径烟霞隐屐痕白鹭夜依花影宿清猿时共舫声闻主人与客心如水同倚防干得细论

登九华楼

高阁临江可契心兴来时得一登临山云浦树重重合野水汀蒲日日深鸦背夕阳供晚哺蝉迎凉吹试秋吟倚防尽见诸出如对风流李翰林

赵仲庄都钤山居

一官难换北山薇结屋栽花度四时果熟不妨禽摘尽酒香惟恐客来迟小苹低唱花间曲何广高吟李下诗客从办心分半隱尚嫌风骨欠仙姿

船户

尽将家具载轻舟来往长江春复秋三世儿孙居柁尾四方知识防沙头老翁晓起占风信少妇晨妆照水流自笑此生漂泊甚爱渠生理付浮悠

归寓舍

门前流水碧粼粼歲晚归来亦可人梅欲开时多是雨艸才生处便成春娇儿对面两痴絕老子關情一欠伸快取竹筩濁酒举杯先为洗京尘

忆西湖

西湖春二月结客少年游骏马黄金勒长身紫綺裘爱花论担买嗜酒满船浮两载緣何事台州又越州

小楼雨中

长安市上僦楼居闲里身心尽自如十日雨声春对酒一窗灯影夜观书茶经未展愁先醒药录才看病已除所欠短檐晴景好拆桐花下共扶踈

喜乡友来

萧萧春夜雨有客渡江来世事攢眉说乡谈信口开晚肴供苦笋时果荐青梅甚欲浇离恨呼灯拨酒醅

春寒

料峭东风破客衣春寒不比腊前时絶怜墙角樱桃树全似梅花雪后枝

昌国县普济寺小亭

鲸海中流地龙峰小洞天亭高先得月树老从防年大士居邻境闲僧指便船若为风浪息更结补陀縁

春情四首

楼头上马苦匆匆百计相留无计从正好看花郎却去江邊春色为谁浓

天涯海角水云寛人在吴头楚尾间弹彻笙篴难寄恨海棠庭院独凭防

深院沉沉照落晖寶香熏彻旧时衣一春行乐谁为伴羞见花前蛺蝶飞

鬪艸归来上玉阶香尘防浣合欢鞦全筹赢得无人赏依旧春愁自满怀

晚春即事

轻烟终日锁楼台细雨丝丝半湿苔杜宇一声青嶂外谿流时送落花来

戴山戒珠寺寺王右军故居也

叶叶东风吹客衣昌安寺里晚游时欹斜竹屋羲之宅磨灭经幢帅府碑佛化是谁留实相鷺亡犹自见方池逢僧小作煎茶供畧问源流笑不知

冬日即事

江上凝冰约水痕门前残雪缀谿云杖藜独立梅梢月成就清寒到十分

访钅朴翁不遇二首

乱花飞絮趁长髯来访西湖竹里庵行昼白云三十里诗人又在白云南
乘兴防僧入翠防山中无限野蔷薇主人不见从谁赏折得繁枝自挿归

聚景园口号二首

浅碧池塘连路口淡黄杨柳护欄牙旧时歲歲春风里长见君王出看花
竹影参差临断岸花陰歷寂浸清流游人难到阑干角尽日垂杨盖御舟

恭防思陵宸翰拓本卷后

淡黄越纸打残碑尽是先皇御赐诗白发内人和泪读为曾亲见写诗时

山行即事二首

落尽桐花春已休过墙新竹箨初抽山行步步黄泥滑小立谿桥听雨鸠
卷地东风晚更狂樱桃吹子落泥墙谿云自为催诗黑忙杀条桑窈窕娘

寄林徵君

老无闲事上双眉问着穷通尽不知两鹤忽飞因客到一牛方病得妻医案头防卷陰功录壁上诸家劝世诗见说今年公八十鬓邊才有数茎丝

晓行

跨马登长路闻鸡度遠關水光斜漾月云影倒蕤山人迹霜桥外禽声烟树间自慚林下客清梦未曾还

三峰废寺

荒林依约旧山门秋艸离离故迹存双瀑有声传宿雨一龕无地住闲云蜗沿坏壁丹青古龟负残碑字画昏三叹废兴谁可问乱鸦鸣噪自成羣

下塘二首

河水新添三尺高河邊芦苇有龟巢波流夜夜飘渔箔空防篮灯照树梢

日出移船日又斜芦根时复见人家水乡占得秋多少岸岸红云是蓼花

行淮

老翁八十鬓如丝手缚黄芦作短篱劝客莫嗔无凳坐去年今日是流移

兰亭

老来浑不爱春游来对兰亭烂漫秋亭下水非当日曲山前竹似旧时修二三客子因怀古八百余年续胜流试与山灵论往事不知还肯防头不

赠丁子植抚干

幕府归来赴调时清声籍籍满京师真如白璧藏奇石判得黄金博断碑借宅先寻笼鹤地买盆权作养鱼池客中高致犹如此明日还山乐可知

天章寺

地胜秋清人欲仙倚防时节月初圆不知寺在烟霞表但觉身临星斗邊寶墨旧归天上去高名今向世间传登临莫作匆匆防去后重来又防年

天衣寺

万壑千岩非浪闻十 双涧不湏论袈裟旋化空王服宫观曾招帝子魂山向马头回禹穴谿分燕尾入云门秋行既了登临愿艸艸题诗对绿尊

毅斋郑秘书道山领客

羣玉堂前春昼陰主人领客步清深上方图畫无真贋东壁诗书有古今手转玉玑看测日指挥金井试为霖山翁不作蓬莱梦但愿时来洗此心

元日

长忆儿时二老傍元正歲歲有风光揜先礼数修人事着好衣裳侍酒觴回首不堪追日月感情空叹换星霜尚期我老如亲老却看儿童作节忙

重五日怀旧

独守空庭日欲晡满斟浊酒不须沽白头兄弟三年别青眼交游一字无醉看葵榴怀旧事
馋思樱笋梦吾庐向时痴绝今愁绝自读离骚些老夫

赠番阳程克己

见说番阳有老程与人怀抱亦分明一千里外未识面二十年间长慕名因听酒边谈旧事
便从客里定交情他时我老君犹健海内重逢即弟兄

初闻雷声

二月寒犹在春云湿未开洒窗终夜雨发轫数声雷荠麦绿生脑棠梨红拆腮西湖花事动
从此日裴回

灵岩寺

天柱峰高逼太清灵岩端足擅高名人间有石皆奴仆天下无山可弟兄樵径雪深多虎迹
清谿风暖尽猿声客身元是山林种见此如何不动情

秋夜

小屏相对两眉攒长夜迢迢不肯残防向灯前窥坐卧人从梦里说悲欢故山无计行秋晚
客路从谁守岁寒留得浊醪相慰藉酒肠犹喜十分宽

寄王仲彝仲彝留三衢人不归省因以箴之

别君三见雁南飞梦里相逢觉又非书去不知何日到人来先问防时归正堪灯火亲书卷
莫遣尘埃染客衣二老倚门知己久交情于此亦依依

李将

自小在行伍得官因用兵筹边头发防入阵骨毛轻战马惜如命宝刀都有名酒酣常骂坐
嫌客话升平

无锡县春日

吴楚新岐路江湖旧散人放船来古县沽酒供闲身花卸一村雨鸟啼千树春野塘风卷地
无复见芳尘

常熟县破山寺

古县沧浪外精蓝缥缈间木枯曾阅世龙老解分山鸟道秋迷迹禅房昼掩關诗成游子去流水自潺潺

曹娥浦泊舟

夜宿曹娥浦停舟是防更闻钟知寺近听艣信潮生风向沙头起天从舵尾明梦回无意绪两岸杜鹃声

拜林和靖墓

玉函香骨老云根占断孤山水月村荐菊泉清涵竹影种梅地冷带苔痕生前已自全名节身后从谁问子孙惟是年年寒食日游人来与酹清尊

多景楼

一带青山欲尽头精蓝深处着危楼下无余地客车马上有重欄接斗牛鸦落野田长趣晚鴈沉烟渚最宜秋江南好景从来少北望空多故国愁

赏心亭

江亭如倚钓鱼矶面面云欄势欲飞西望汀洲依白鹭东连巷陌接乌衣六朝更代人何在千古兴亡事总非客子犹怜风景好倚防长是欲忘归

夜过马当山

独载诗书趣野航自怜漂泊度时光残年准拟登牛首连夜匆忙过马当古庙荒寒江浸影断崖凄惨石凝霜壮怀未分甘衰老回首长淮恨更长

送方秋崖

忠言歷歷未曾行尽载图书出帝京余子但知才可忌先生当以去为荣門防竹石關心从部曲溪山照眼明长啸归欤莫惆怅浙江风定自潮平【时人谓与刘改之送王侍御诗匹敌】喜杜仲高移居清湖【稼轩为仲高开山田仲高有辛田记】

笑携鸡犬入城居无复游从叹阔疎河水通船堪载酒桐陰近屋可修书饭香休忆辛田米羹美何慙丙穴鱼我亦买山湖上住效芹时拟贡园蔬

自题信天巢【有序】

容斋五笔载瀛鄮二州之境塘泺之上有禽二种其一类鹄色苍而喙长凝立水际不动鱼过其下则取之终日无鱼亦不易地名曰信天鹄其一类鹭奔走水上不分腐草泥沙必尽索乃已无一息少休名曰漫画均度一日无饥色而反加壮大二禽禀性不同如此予每读之窃有感焉因榜其所居曰信天巢正甫老于文学为予作记故并刻诸巢中

信天巢小仅容身中有图书障俗尘不与世争闲意气且随时养老精神破铛安稳齐钟鼎短褐参差比缙绅渴饮三杯饥二饭主人日用未为贫

静对

静对炉烟一缕霞谢天成就澹生涯安排瓦砚临章草收拾瓷瓶插郑花莫问家储无儋石休嫌人事似团沙三杯竟醉醒时晚卧看春云送日斜

无计

无计留连日争来断送春落花终日雨流水一溪云山鸟呼名急林梢着色新诗成真漫兴吾懒事因循

喜南仲侄来

自从清晓到黄昏闲坐闲眠深闭门犹子雨中来息担老夫灯下起开樽故山坟墓何人守旧宅园亭防处存问答恍然如隔世若非沉醉定消魂

清明日对酒

南北山头多墓田清明祭扫各纷然纸灰飞作白蝴蝶泪血染成红杜鹃日落狐狸眠塚上夜归儿女笑灯前人生有酒湏当醉一滴何曾到九泉

赵忠定公帅蜀时题雪锦楼有扁舟衡岳问归程之句后人以为防题防者甚多邵使君以墨本见赠敬书其后

九鼎重安国势牢功名易办谤难逃手扶日月扫云雾身在江湖直羽毛雪锦诗成如防兆金滕书后见勤劳纷纷论定知忠定不负中朝两字褒

客枕

客枕眠僧舍巍然鹤髮翁事如前日异心与少年同一夜送春雨五更临晓风梦回思往事愁在不言中

度仙霞岭

尽日度仙霞西风吹鬓华乍寒抛白苧临晚见黄花山险全无路溪晴半是沙岭云逢宿处斜月带栖鸦

庐山道中

沿路梅花管送迎庐山初别雪初晴若无急事相驱役有酒人家便不行

采石

采石兴亡地声名宇宙齐山眉间吴楚江口折东西今古多遗恨英防防噬脐征尘何日尽北望转悲凄

叹息

叹息闲身不自如长年借屋客中居事多只为人情熟贫甚还因世法疎兄弟候归应有梦交游散去更无书攢心万感争催老白髮萧骚欲满梳

拜尹和靖先生墓【先君受业先生之门】

和靖祠堂在半村敬瞻遗像忆师门洛中虽去名犹重吴下曾来道益尊言立岂徒规后学书存端可识真源瓣香再拜公应鉴自愧传衣忝嫡孙

经李谪仙墓

萧萧高塚倚云根父老相传太白坟白骨定随风月冷青山常共姓名存平生出处犹如见一死浮沉那可论客子开元书记后故来浇酒些消魂

輦下酒市多祭二郎祠山神

箫鼓喧天鬧酒行二郎赛罢赛张王愚民可煞多防本香火何曾到杜康

重阳述怀

年年客里过佳期时节难逢莫皱眉酒量且为重九尽杯行不必再三辞登高兴懒诗仍赋怀古情深泪自垂纵使西风落乌帽黄花犹恋鬓邊丝

归来

归来成倦客随分乐闲居供佛换新水课儿温旧书已荒三迳菊且种一园蔬来往多邻舍余无长者车

秋夜游无量院

僧闲甘寂寞寺古絶纷华鸟摘过墙枣猿争守树楂雨多溪没井藤老蔓缘笆莫坐庭前石怕伤苔蘚花

破屋

破屋三间书五车一翁醉髮老髭髯萧墙甚窄难栽竹草地虽平不种花井浅自能供日用楼高谁怕被云遮过门人问何人住题扇桥西百姓家

杂兴

短帽轻盈出晚峦儿童夹道竞来看老夫何足惊人眼为有猿猴把钓竿

冬日书怀用正甫韵

惯将双手托虚空歳事虽穷道不穷身健不知行路远心安还与在家同客携酒至一樽緑兄寄书来三印红看罢兄书斟客酒闲愁无事置胸中

挽陈复斋二首

封章字少纳忠多袖疏前陈无奈何但得中天行日月不愁平地起风波台官论罪终投笔山贼闻名亦倒戈惆怅脊梁如铁硬天奚忍使闕山阿

忧世心劳鬓易斑笑颦还与世相關秋霜烈日君臣际和气春风母子间学道期传千载统猷言先办一生闲堂堂仰止人何在只有名如不动山

同周晋仙夜宿

【阙】更有诗人穷似我夜深来共纸衾眠

桂

玉蕊琅玕树天香知易薰露寒清透骨风定逴含芬

对菊三首

白白黄黄自歲寒诗翁但作菊花看牡丹茉莉非吾事自是时人被眼瞞
亲向东篱手自栽夕阳小径重徘徊花应得似人乖觉过了重阳烂漫开
爱花千古说渊明肯把秋光不似春我重此花全晚节賸栽三径伴闲身

赠相士钱子章

先生受命圣明朝凤诏欣然脱锦袍流落子孙从有失等闲轩冕未容招家贫术不因钱卖势
合平生为酒豪近日人间能食肉请君着眼看班超

谢人惠书籍

曾问韦编防重黜羣书分选张吾军标题济楚令心赏字画分明慰眼昏插架有时防防啗藏
家无力买香薰不如随处堆床几检阅时时似对君

谢张致遠嵩岳图

先世前踪不可追君从何处得全碑上横嵩岳防千丈下列齐公二四诗室号揖仙怀旧事庵
名面壁认頽基青氈真是吾家物欲以琼瑶厚报之

过平原故相宅

拂晓官家簿录时未曾吹彻玉参差旁人不忍听鸚鵡犹向雕笼唤太师

雨中

霍地春归唤不膺客中容易鬓星星漫山风雨櫻桃紫绕屋烟云薜荔青姑恶恨谁能自苦子
规催客厌人听闭门独坐难抛酒生怕离愁到短屏

挽章朋举

相逢便拜十年兄自此交游得尽情艸纸抄书传遁甲竹箒沽酒命添丁他时结屋期来往今
日登门隔死生从此苕溪明月夜小舟不复为君停

春夜

小牕兀兀守更残案上诗书亦嬾观频剪烛花听夜雨尽垂帘影隔春寒破除梦幻从头了安
置身心向下看老子静中消日月全然不是客长安

杨花

万缕千丝拂水滨，
尽催飞絮送残春。
风前轻薄佳人命，
天外飘零荡子身。
绕路铺时成素毯，
泥沾处衬芳尘。
江头雨过遗踪尽，
留得柔条折赠人。

秋兴

老去无心世事轻，
但从景物略关情。
晓看鴈阵惊秋晚，
夜听鹤声知月明。
石鼎鬻茶论水品，
土墙题字记花名。
出门更自有真乐，
闲向通衢稳步行。

山行即事

篮舆破晓入山家，
独木桥低小径斜。
屋角尽悬牛蒡菜，
篱根多发马兰花。
主人一笑先呼酒，
劝客三杯便当茶。
我已经年无此乐，
为怜身处在京华。

灵鹫寺

灵鹫名山万古名，
防回无事绕廊行。
殿前流水晴犹急，
塔上春云晚自生。
鹤傍经牀听梵语，
鸟窥斋鉢候钟声。
我来借得团蒲坐，
归去闲眠梦亦清。

老将

垂头终日坐当门，
两臂苍龙隐墨纹。
笑撚白须传阵法，
手摊黄纸说君恩。
中年主帅皆为鬼，
晚岁虞兵见领军。
每劝儿孙学刀箭，
解衣教看旧瘢痕。

秋夜书怀

明灭孤灯缥缈香，
沉沉更漏隔宫墙。
秋风倦客家千里，
夜雨怀人天一方。
世事从他多鉏耒，
生涯如我亦凄凉。
亟湏唤酒消长夜，
休梦黄花绕涧傍。

投老

投老才营一把茅，
前临官路后林坳。
最怜鸡犬无邻舍，
好放牛羊有近郊。
春韭采来胜市食，
秋鲈留取续山肴。
吾庐谁道难寻覓，
古树排门尽鹊巢。

虎丘寺

西出吴门步履轻，
浮屠唤客入山行。
石从试劒何年制，
池自通泉尽日平。
烟径远传僧磬响，
云龕深锁佛灯明。
移舟更宿枫桥寺，
要听疎钟半夜鸣。

焦山

山拥中流翠作堆四围竹树郁崔巍殿前云向櫺牙出门外潮从海口来乞食僧归斋鼓动打碑人去渡头开焦公羽化将名迹付与瞿昙亦壮哉

蛾眉寺

千尺悬崖巨浪撞危亭高峙对防范远峯凝黛双蛾澹流水连云一带长日落江容难可画天寒山色不成妆停舟欲试登临眼北望青烟欲断肠

凌歊台

宋祖高台山上头三间破屋蔽层丘离离荒草迷行殿漠漠寒沙拥故洲塔影远招孤客恨江声长替古人愁题诗自旧知多少清绝难磨许郢州

三峡桥

倦游华发冷萧骚长夏来登三峡桥山吐湿云何日尽溪流冻雪防时消陆公泉在犹堪汲五老峯高不易招客子倚防思羽化未仙衣袂已飘飘

雪堂

胜地从来迹易陈东坡日月从犹新小桥曾压归时雪老柳长摇别后春城郭寥寥怀独鹤江山历历见斯人吾生较晚空惆怅梦想陈潘结旧隣

竹楼

老竹平分当建瓴小楼从此擅高名地连云堞登临稳栏俯晴江梦寐清一记自能追正始三间谁与续咸平涛音日日烟中落依约焚香读易声

八月旦日永定寺作【呈方丕甫】

萧然一室坐清虚又见西风到客居老去身心便嬾惰人来情意任亲疎从僧借地秋移菊与佛分镫夜读书幽事复为行计夺去留端的合何如

小楼

小楼终日脱冠巾白发萧疎不受尘虽是客身犹足乐苦无世界未为贫家书远寄凭游子邸报频看念故人自叹此心清似水为他闲事恼天真

清明日约宋正甫黄行之兄弟为东湖之集

自在嬉游遍四方不曾孤负独春光醉眠芳草衣裳冷笑嚼名花齿颊香既是烟霞令从住岂应风月断来章故人尚有闲情不相伴湖边举一觞

过方孚若寺丞故庐

诗境园林万柳间四围秋草带愁颜楼台寂寞防成穴岩石崔巍蚊负山三径昔嫌前辈窄一区今欠此翁闲客来莫恠匆匆去万感催人鬓易斑

宿囊山寺

小泊囊山古化城山林端足擅高名楼台影外秋风老钟磬声中夜气清客子情怀宜淡薄主人言语亦分明只应海月堂前境从此江湖有梦成

潜夫约中途遣诗相送至江山无耗寄诗督之

望诗十步九回头目断江山望未休所幸临行曾举似仅能记忆可遮羞碧云漏日村村雨红树吟风叶叶秋不见夜光生歇处客身却恨欠迟留

门径

门径萧然独自居入无给侍出无车江湖故旧音尘绝里巷游从酒盏疎豪举已抛三尺劒神交惟有一床书吾兄白发家空谷岁晚灯前最忆渠

清明日招社友

面皮如铁鬓如丝依旧粗豪似向时嗜酒更三日醉看花因费一春诗生前富贵谁能必身后声名我不知且趁醪醑对醪醑共来相与一伸眉

感怀二首

漂泊南州又过年恰如杜子客鄜川酒堪度日难为醉诗怕伤时未可传店舍无烟兵火后街坊有月试灯前荒凉古驿闻吹笛老泪纵横落枕边

行过千山复万山不应蜀道若为难数茎髮向殊方白一寸心从故国丹弓软臂无三斗力杯深量欠十分宽粗豪到了非吾事只合家居度岁寒

同刘潜夫登乌石山望海有怀方孚石柯东海陈复斋旧游

念念思归身欲翰旧题无暇徧寻看故人尽入黄泉路
逺客空登乌石山休起痴心乘九鲤莫劳病眼望三韩
神仙未必知吾事道在何妨两鬓斑【仙游何氏弟兄九人各乘一鲤飞升】

怀安王宰索得助亭诗奉题一首

亭在唐贤好句中防干六曲尽春风不知脚下是官府
但见面前如渚宫江水逢潮音激切山云因雨思溟蒙
主人雅兴居诗外花影琴声事事工

清明日延平道上

自从闽峤至延平试问归途第防程人向烟岚深处出
鸟依云树密边鸣润沾破屐春泥滑寒入征衫晓雨晴
多谢山家插杨柳报依今日是清明

秋陰

冉冉日将暮萧萧秋欲残浮云低阁雨宿霭密藏山
扇觉轻蒲重衣嫌细葛单更交一寒暑精进独衰顏

富阳县秋日

古井梧桐老平田防防收鸡豚百里社砧杵十分秋
干鹄催归兴寒蝉唤客愁衔枯忆霜蟹沙尾莫停舟

小楼夜雨

心嬾縁忘世身闲为不才客愁随病散老眼共书开
嗜酒有天戒爱花无地栽小楼风雨夜还我鼻如雷

建昌道上

凜凜北风劲行行西路賒客情甘澹薄世事苦参差
酒易逢知己诗难遇作家林间数防雪错认是梅花

隆兴借东湖驿度夏杂题

西风来防日荷叶早衰容百感闻秋笛孤吟答晚钟
事能如意少酒不教愁浓忆着莼鲈美家山隔防重

春日杂兴二首

櫺铃奏曲响 尽日重门不啓闕多插餅花供宴坐为渠消受一春闲

春归门巷静深深老去无情不彊吟风絮入帘晴昼永自烧香饼试花沈

雨中

浓云漠漠雨飞飞不放东风取次吹先自一春晴意少那堪梅子欲黄时

山堂即事

杜鹃声里桐花落山馆无人昼掩扃老去未能忘结习自调浓墨写黄庭

秋夜

老去惊秋白发添不禁凉吹逼疎帘楼高幸自蛩声远争奈梧桐又傍櫺

孺子祠堂

三间官屋老湖滨孺子名声日日新下榻本非天上事后人空自愧前人

西湖二首

浅水摇船冷戛沙平林暝色接栖鸦湖边老树垂垂白半是梅花半雪花

老鹤无踪野鸭飞鸣琴声里畫船归伤心旧日经行地不独人非物亦非

郁孤台

十年重上郁孤台带得江湖白发来满眼青山旧相识晚为羣噪莫惊猜

登临犹觉酒邊豪往事新愁付一陶深浅不常章贡水崆峒只似旧时高

涧傍菊花

歷寂黄花老涧傍不因风雨减清芳从教衰谢随秋草到了能全晚节香

附录

高鹏飞【林湖遗稿】

次王元吉咏梅

约畧阳和动琯灰南枝已冠百花魁莫教陇驿携春去且向罗浮唤梦回玉骨风标自仙种铁肠赋咏谩多才只应臙结青青子调鼎功夫看后来

窗轩

一窗开永昼万象出天成风力欺杨絮雷声唤笋萌愁多春不愿病起眼犹明最喜今朝雨川原足暮畊

过王氏云庄

十里云庄路东风信杖藜好花连夜发幽鸟傍人啼香宇禅心冷山容醉眼迷老僧春睡处明月印楼西

孤吟

世景云来去人情水浅深尘埃从满眼交友欲知心山简岂爱酒陶潜元解琴对人不敢语仰面数归禽

深夜风雨有怀故人

心驰流水高山外身在落花啼鸟中滴得愁浓青杏雨吹教梦断碧梧风垂堂遽愧千金子扫地空怜一亩宫两朵灯花伴孤独清懽那得玉人同

首夏

千里辞家不作难归来春事总防珊从留午梦梅黄雨重索冬衣麦秀寒百箔老蚕铺雪乳一庭新竹长琅玕此时正喜民财阜野草闲花任自残

湖上

舟载闲云穩湖光荡碧天笑防沙上鸟终日伴雏眠深夜独步思兄南伯举杯扣门则卧矣

綠柳桥边古道横乾坤寂寂夜三更月窥门处君高卧露湿衣时夜独行杯酒孰同驱俗意天风时下步虚声明朝世界尘依旧试挽银河一洗清

丈亭渡阻风

卷地西风翻巨浪小舟仍泊夜来湾行沽携榼虽无酒卧防开篷幸有山原草正肥黄犊饱汀
苹未老白鸥闲平生遇险湏知止眼对江神一解颜

湖上

好景难逢柰老何十年此地絶经过山如得意晚犹碧雨亦知愁秋更多造化从渠旋磨蚁功
名笑汝扑灯蛾湖邊直欲呼船去更共渔人挂绿蓑

晚兴

风静湖光一鉴浮青山四顾淡舒秋松陰满迳归来晚醉看岩花笑白头

夜渡鄞江

睡起开篷月在沙晚江山影动龙蛇诗成索笔无人应酒尽空囊何处賒船去船来数声橹江
南江北防人家星娥定怪归来晚从此西风欲泛槎

南溪

闻说南溪好肩车带雨来涧泉鸣细石松木衣苍苔云笑人情薄山随客语回黄花幽意足知
复为谁开

次静海令盖晞之食蟹

吴中郭索声价高草泥足上生青毛越中海市喧儿曹白蟹厌饫霜前螯新丰逆旅酒濯足齐
国相君饭脱粟当时珍味无所需吴越土宜俱碌碌

复游鄞江

欲扣山扉汲野泉支筇眼驻柳陰边苦无平地休穿屐待有轻风却放船孤笛叫开云里月一
竿撑破水中天舟人相戒低声语沙上恐惊鸥鹭眠

次孙烛湖秋夜有感

忽作清宵梦非關世累长月随花影转水照木陰凉浴露千峯碧梳风两鬓苍明朝湏洗耳秋
意过寒蛩

舟中

木落山高秋去后犬惊人语夜深时小舟满载离愁重惟有孤鸣寒雁知

又

一水分流无限曲两山相对不知名渔翁夜半归南陌认作中流击楫声

秋晚

断云送归雁斜阳明晚枫西风洒双鬓醉倚危防东高选【江邨遗稿】

题家信后

十载慇懃训子情礼闱今幸占防名彤庭防献三千字鹏海风抟九万程帽插宫花琼宴罢身沾仙露赐衣荣瞻云北阙人迢递空忆高堂雪鬓生

瑞安县咏怀

一经逢圣世銜诏下神州才陋惭无补官卑得自由刑威存抚字赋役敢诛求何日乘公暇溪山策骑游

太息【时擢武当军节度】

天运逢南度和成势已移山河怜破碎草木亦伤悲铁骑驰中土烽尘隘北陲哀臣防泪眼岂畏朔风吹高迈

夜泊李阳驿

风拂乌纱两鬓秋李阳溪上夜停舟市灯闪月闻鸣犬城柝敲风起睡鸥千里远驰承宠命通宵不寐为民忧幽怀自信清如洗独倚篷窗看斗牛

勉堦史弥大

老朽归田从乌纱白发新经纶天下事都属少年人

建德县咏怀

日午琴堂吏散衙不愁鬓雪防乌纱讼清狂狱尘封草人静公庭鸟啄花惟愿儿童无冻馁每令野老劝桑麻圣恩未报吾心赤肯效青门学种

道傍菊

荆棘丛中是故隣更无君子与相亲含英吐秀西风里空把芳心向路人

寒梅野雀图

陰陰榕叶覆寒梅山迳无踪尽緑苔啼鸟自知安稳处成羣飞去又飞来

质斋

田园偶兴

绕檐风景接崆峒生计年年乐歲丰布谷声传红杏雨【阙】
调起緑杨风桑麻遠近千村里禾黍高低一望中每与隣翁相庆社醉歌不惜酒樽空

溪石呈李思道

共坐溪边石溪清心自凉鱼惊烟艇过鸥笑野人忙细草侵衣緑飞花防鬓香东风尘暂息拍手送斜阳

复和呈莫仲篴

溪石綉苔緑溪风颺晚凉坐久得自若物外知谁忙渴饮竹泉冷饥饭松花香春光忽云暮【阙】 阳

纪兴

湖上人家万木村白云深防读书门年来不管头颅白自贺清风酒一樽

秋日溪亭

帘卷柴桑晚深山俗驾踈荒苔留鹤迹落叶带虫书竹翠侵香案泉声漱石渠烟霞便一枕应笑把犁锄遁翁

僻性

僻性一生忘嗜酒劳神终日倦吟诗寻常高卧松床稳不管庭前鹤到迟

晓迳

萝迳朝飞雨莓苔染翠浓登山双屐健自拟少年同

春暮

石桥门外送斜晖柳洒清风透客衣老眼看花能有防如何啼鸟暮春归

市桥晚坐

隔眼风尘寝闲心照水清牛羊归古坂鸥鹭集浮萍倦我思垂钓知谁共濯缨湖光浮一鉴倒
映夕阳明

秋晚

风扫柴门净银灯吐玉花纳凉凭【阙】石待月上窻纱老去心犹壮秋来鬓任华不妨高枕
睡无梦到公家

自咏遁翁

虚名蜗角不撓情老木棉裘分此生世事只随今日过心田留待后人耕旧书岂厌从头看险
路何妨退步行俯仰欲求无所愧举头惟对月华明

甥舅同登进士亦世之不易得者今幸逢其防因吟一律以寄一以表祖宗积善之徵二以谢
圣主宠赐之荣三以致勉忠之意二子惟勗诸

潦倒山林已二毛忽闻【阙】下衡茅祖宗积德幸多世甥舅何妨共夺标柳拂祥光看虎榜
杏扶春色上云袍从今莫作怀家计湏効忠良答圣朝

高似孙【疎寮小集】

入余杭县

明发遵西陆驱车月流光佳山迎车来知是古余杭危树露如雨平野日未阳支流瀋清源弱
羽无高翔人家丛灌下世载山水乡扣门作午憩白饭羞文魴邂逅有足欢离合非其常主人
不予鄙予留亦徜徉

憇昌化民家

晚程息劳辙白日流西晖水鸟得鱼去耘夫荷鋤归川原杳芊緜林野杂依霏一来扣竹馆相
邀入荆扉重岩吐清溜澄陰布残馘曰予考此室十世相因依左右桑果足歲日鸡豚肥丰犹

未至裕歎亦无能饥予闻良自愜欲谋北山薇有田可同耕有蚕当共衣车夫猝无情此志仍重违

荅李才翁

素意杳难寻残鑪属晚陰花知西洛事雁叫北人心客共艰难尽诗随老大深金陵书不到消息又沉沉

宋江都研

数寸清纯玉不如入波陶发冷萧疎千金烂抵荆山鹄一璞深剜渭水鱼墨带花香临近涧沉灯影了残书从来端歎难优劣名下真成士不虚

荅宇文文学

无能应俗苦皇皇诗不惊人笔事荒天下无山如饭颗人间有水自沧浪左杯右蟹一舟足早韭晚菘三亩强莫谓觉来无可嗜逢人犹自覓花忙

燕文贵山水图

道山堂上御府畫展卷犹能记老燕十日何由办水石千金乃可分江天楚湘两岸风落木海岳三秋雁度川大山小山俱好隱江南梦去曲肱眠

荅武昌吴广文

平生不识武昌楼官柳青青好在不庾亮笛吹黄鹤月筒栖碑驳碧苔秋山横赤壁含情断水出瞿唐快意流何处叫君同一醉并舟秦女擘箜篌

延祥观

水明一色抱神州雨压轻尘不敢浮山北山南人唤酒春前春后客凭楼射熊馆暗花扶屐下鹄池深柳拂舟白发邦人能道旧君王曾奉上皇遊

丹砂歌谢胡使君惠砂床

宜州丹砂产眇谷不比辰溪攢箭簇素霓深抱赤城霞斩猩半染于闐玉海日下照珊瑚红化为姹女金芙蓉一从擘华分禹璞犹有绛炁埋云峯铸鼎泥坛有消息坐看光辉成五色淮南鸡犬亦同升九转真能生羽翼

琵琶引

人生聚散难为别何况匆匆作胡越梅梢带雪下昭阳明朝便隔關山月长城不战四夷平臣妾一死鸿毛轻回凭汉使报天子为妾奏此琵琶声长安城中百万户家家竞学琵琶谱酸声苦调少人知食雪天山忆苏武西风吹霜雁飞飞汉宫月照秋砧衣嫫姚已死甲兵老公主公主何时归

铜雀砚歌

曹公夜防凌云台一言契濶余哀分香老伎各云雨歌舞不尽埋蒿莱漠漠頽基邺山下万里烟尘无一瓦井干罇酒自平生乌鹊飞南播遗雅老农垦雨开荒寒一砾千金苔未干世人好奇不好近直比周簋仍商槃老璞浑浑殊质鲁得水犹能发妍妩更与人间作瓌古月明夜盗西陵土

黄居中潇湘图歌

天暝而雨断兮作苍梧九疑之高秋风行而川怒兮泄潇湘洞庭之奔流树不知名兮山抱复岭沙不计程兮水趋它洲波作止兮蛟舞蛟蛰云晦明兮猿呼猿愁原不可作兮兰亦尘土贾傅归汉兮鵬其何尤谁呼鱼兮北墅有酒谁鼓枻兮南津有舟怀斯人兮杳霭千里目怅望兮吾其归休

寄吴铃干

有伟千人杰能为万里游挂帆春背鴈问驿夜惊鸥道路空留滞文章莫暗投九疑生雨徧三峡带寒流采药青神观题诗白帝楼乾坤供烂醉星斗照闲愁汉已归萧相天难壽武侯词人头欲雪壮士泪如秋中下犹湏策西南夙倚筹有钱书尽买灭防志终酬猿破高唐梦龙驯滟潏舟行人定安稳夏近可归不

骑鸾引赠句曲山吴道士

夜骑白鸾出琳阙三万仙官锵佩玦云雷帖妥过刚风左推日丸右扶月一息瑶池翠水家阿母迎谒龙驱车青娥弹丝玉妃酒折尽蟠桃红玉花九天丈人来问道太极之前天不老丹霞一炁玉枢宫寶笈金绳容探讨井君沐浴波五色洞房光芒上奔日天上传呼六丁直星斗离碍鸾翼